

մանուածապատուութիւնների եւ առանց ախորժալուր քողարկաւորումների :

Ուրախ կը լինէինք, եթէ մեր հարեւաններն էլ նոյն ձևով մօտենային հայ-վրացական տարաձայնութիւններին: Դրանով նրանք աջակցած կը լինէին առաջ բերելու հայերի եւ վրացիների միջև այն իրարհասակացողութիւ-

նը, որ անհրաժեշտ նախադրեալն է հանդիսանում ոչ միայն նրանց յարաբերութիւններն արող կնճիռների վերացման, այլ եւ հայ-վրացական քաղաքական գործակցութեան համար :

(Վեբը)



ԻՄ ԿԵԱՆՔԻ ՅՈՒՇԵՐԻՑ

Գրեց՝ ՄԱՏԹԷՈՍ*

Այդ նոյն գաղանութեամբ էր շարունակում իր ոճը արլից կեանքը Որիզ գիւղի հայ ուսը, որը Երուսաղէմ այցելած, Քրիստոսի նըւերական գերեզմանը համբուրած յատուկ պատգամներով էր վերադարձել սկսելու համար իր հրէշային շահատակութիւնները... Նա այնքան էր յառաջացել իր դաւադրական ընթացքում, որ նոյնիսկ սկսել էր մատնիչի գերով կառավարութեան թեւերի տակ հովանաւորուել, որ եւ ի հարկէ անկարող պիտի լինէր ազատուել յեղափոխութեան անողոք դատաստանից...

Կալ ու կուտի ատեններն էր: Այդ հրէշները ախորժակինն սրած, ամէն տարուան պէս եկել են Սրորտեսնցը, իրենց բաժինը տանելու:

Մեզ մօտ հրաւիրելով քիւրդերին, բաւականին երկարօրէն խօսում-բացատրում եմ նըրանց նոր օրերի եւ նոր կեանքի մասին, ի վեր հանելով հարեւանական-եղբայրական համերաշխական կեանքը, նաեւ մի առ մի թուելով նրանց կողմից կատարուած չարագործութիւնները տանեակ տարիներու ընթացքում, հանդէպ իրենց հարեւան հայութեան... յայտարարում եմ, որ խաթեր համար, եւ ի սէր համերաշխութեան այս տարի էլ թոյլ կը տամ առնել այդ տողոսը հայերից, բայց միմիայն

երկու չափ ցորեն առ հարիւրի հաշուով, ուրիշ եւ ոչ մի բան: Հակառակ պարագային, պիտի արգիլեմ եւ թոյլ չպիտի տամ իրենց մի հատիկ անգամ ցորեն առնելու հայից, ուր որ կ'ուզեն թող այնտեղ երթան իրենց բողոքով: Նրանք դժգոհ եղած յայտարարութիւնից, առանց ծպուտ անգամ հանելու ելնում հեռանում են...

Կէսօրուան մօտերքն էր, երբ միւտիւրը երկու ոստիկաններով ինձ մօտ է գալիս: Նա յատկապէս եկել է քուէարկութիւն կատարելու համար, ներքին Կար-Կառում: Եւ որպէսզի նորից խոչընդոտներ չյարուցուի այդ ընտրութիւնների շուրջը, ինչպիսին եղաւ հարկահաւարի եղած միջոցին, ուստի նախօրօք եկել է բացատրուելու եւ ըստ այնմ սկսելու իր գործը:

Մենք իրար լաւ ըմբռնելուց յետոյ, որ օրէնքի գծած սահմաններից դուրս չէին, ոչ իմ ասածներս նրա համար, ոչ էլ նրա ասածները ինձ համար, հրահանգում եմ զիւրդերում կատարել քուէարկութիւն պ. միւտիւրի հսկողութեան տակ:

Հետաքրքիրը այն է, որ պ. միւտիւրը, մինչեւ որ չի ստանում ինձնից գրաւոր հրահանգ այդ մասին, զիւրդերին ուղղուած, չի հեռանում ինձնից, իր գործը սկսելու:

Երեկոյեան, ի մի հաւաքած Սրորտեսնց համայնքին, մի քանի ժամ եմ նուիրում նրանց, նոր օրերի վերաբերմամբ, թարմութիւն ներ-

Տե՛ս «Հայրենիք» ամսագիր, 7-րդ տարի, թիւ 4: